


Sarajevska berza vrijednosnih papira – statistika April 2012.

U aprilu 2012. godine na Sarajevskoj berzi-burzi ostvaren je ukupan promet od 20.633.245,05 KM, što čini 37,93% od ukupnog prometa koji je ostvaren na BH berzama. U sklopu 926 transakcija prometovano je 1.420.766 vrijednosnih papira.

Promet po vrstama trgovine:

Promet po vrstama trgovine	Promet (KM)	Promet (VP)	Broj transakcija
BTS Trgovina			
Redovna berzanska trgovina	4.702.633,51	1.367.232	899
Vanredne i posebne aukcije	0,00	0	0
Primarna trgovina	14.836.877,50	1500	7
Prijavljena trgovina			
Paketi dionica	782.400,00	300	1
Vanberzanske transakcije	311.354,04	51.734	29
Ukupno	20.663.254,05	1.420.766	926

Promet po danima:

Promet po tržišnim segmentima – redovna berzanska trgovina:

	Promet (KM)	Promet (VP)	Broj transakcija
Kotacija kompanija	138.281,31	13.356	54
Kotacija fondova	1.021.583,61	236.240	212
Kotacija obveznice	613.152,58	921.242	125
Primarno slobodno tržište	2.095.842,85	136.654	423
Sekundarno slobodno tržište	472.882,86	57.055	68
Tercijarno slobodno tržište	360.950,30	2.685	7
Ukupno:	4.702.633,51	1.367.232	889

U aprilu 2012. godine na Sarajevskoj berzi-burzi ostvaren je ukupan promet od 20.633.245,05 KM, što čini 37,93% od ukupnog prometa koji je ostvaren na BH berzama. U sklopu 926 transakcija prometovano je 1.420.766 vrijednosnih papira.

Koristeći infrastrukturu Sarajevske berze – burze, dana 24.04.2012. godine, održana je peta emisija trezorskih zapisa Federacije Bosne i Hercegovine. Metodom višestrukih cijena upisano je ukupno 1.500 trezorskih zapisa po ponderisanoj prosječnoj cijeni od 98,9013 % od nominalne vrijednosti koja je iznosila 10.000 KM, čime je za emitenta prikupljeno ukupno 14.836.857,50 KM.

Na Kotaciji kompanija ostvaren je ukupan promet u iznosu od 138.281,31 KM što čini 2,94% od ukupno ostvarenog redovnog prometa. Najveći promet ostvaren je dionicama emitenta "Bosnalijek" d.d. Sarajevo u iznosu od 137.764,31 KM uz mjesečni porast kursa od za 6,38% Dionicama emitenta "Klas" d.d. Sarajevo u aprilu trgovalo se u iznosu od 517,00 KM, uz pad kursa od 4,96%. Na ovom segmentu tržišta prometovano je ukupno 13.356 dionica.

Na Kotaciji fondova, promet ostvaren u aprilu iznosio je 1.021.583,61 KM ili 21,72% od ukupno ostvarenog redovnog prometa. Najveći promet na Kotaciji fondova ostvaren je dionicama emitenta ZIF "MI Group" d.d. Sarajevo u iznosu od 435.677,29 KM, uz mjesečni porast kursa od 2,93%. Na drugom mjestu po prometu nalazi se emitent ZIF "BIG Investiciona grupa" d.d. Sarajevo sa ostvarenim prometom od 384.328,01 KM, i mjesečnim porastom kursa od 4,79%. Dionicama emitenta ZIF "Herbos fond" d.d. Mostar koje su u aprilu doživjele pad vrijednosti od 1,79%, trgovano je u obimu od 157.502,60 KM. Na ovom segmentu tržišta prometovano je ukupno 236.240 dionica.

Na Kotaciji obveznica, promet ostvaren u aprilu iznosio je 613.152,58 KM ili 13,04% od ukupno ostvarenog redovnog prometa; od toga se obveznicama ratnih potraživanja Federacije BiH trgovalo u iznosu od 107.918,37 KM, dok je sa obveznicama stare devizne štednje FBiH ostvaren ukupan promet u iznosu od 505.234,21 KM. Na ovom segmentu tržišta u sklopu 125 transakcija prometovano je 921.242 obveznice.

Promet na Primarnom slobodnom tržištu iznosio 2.095.842,85 KM ili 44,57% od ukupno ostvarenog redovnog prometa.

Najveći promet na Primarnom slobodnom tržištu u aprilu ostvaren je sa dionicama emitenta BH "Telecom" d.d. Sarajevo u iznosu od 660.138,58 KM. Na drugom mjestu po ostvarenom prometu nalazi se emitent "Tvornica cementa Kakanj" d.d. Kakanj sa iznosom od 504.921,42 KM. Treće i četvrto mjesto zauzimaju RMU "Kamengrad" d.d. Sanski Most sa prometom od 324.340,40 KM, te "Fabrika duhana Sarajevo" d.d. Sarajevo sa ostvarenim prometom u iznosu od 143.954,45 KM.

Promet na Sekundarnom slobodnom tržištu iznosio je 472.822,86 KM ili 10,05% od ukupno ostvarenog redovnog prometa. Najveći promet na Sekundarnom slobodnom tržištu u aprilu ostvaren je sa obveznicama emitenta "ASA Finance" d.d. Sarajevo u iznosu od 240.000,00 KM. Na drugom mjestu po ostvarenom prometu nalazi se emitent "Energopetrol" d.d. Sarajevo sa iznosom od 72.378,90 KM. Treće i četvrto mjesto zauzimaju "Kvantum group" d.d. Sarajevo sa prometom od 62.082,00 KM, te "Higijena" d.d. Sarajevo sa ostvarenim prometom u iznosu od 43.116,12 KM.

Na Tercijarnom slobodnom tržištu trgovalo u ukupnom iznosu od 360.950,30 KM; najtrgovanije su bile dionice emitenta "Elektro grupa" d.d. Jajce u iznosu od 358.680,00 KM.


Na Tržištu za emitente u stečaju nije bilo zaključenih transakcija.

	Kotacija kompanija	Kotacija fondova	Kotacija obveznica	Primarno slobodno tržište	Sekundarno slobodno tržište	Tercijarno slobodno tržište	Ukupno
Promet (KM)	138.281,31	1.021.583,61	613.152,58	1.147.008,87	348.720,92	168.595,00	4.702.633,51
Prometovanih VP	13.356	236.240	921.242	136.654	57.055	2.685	1.367.232
Broj transakcija	54	212	125	423	68	7	889

Indeksi i tržišna kapitalizacija:

Kod indeksa investicijskih fondova BIFX-a, u mjesecu aprilu, zabilježen je porast vrijednosti od 0,19%. Vrijednost indeksa SASX-10 pala je za 1,25% u odnosu na prethodni mjesec. Pala je i vrijednost indeksa Primarnog Slobodnog tržišta SASX-30 za 0,58% u odnosu na prethodni mjesec.

Pokazatelj	Zadnji dan prethodnog perioda	Zadnji dan perioda	Promjena
Tržišna kapitalizacija	4.017.815.094,80	4.366.745.750,07	8,68%
BIFX	1.490,81	1.493,03	0,19%
SASX-10	763,07	753,53	-1,25%
SASX-30	910,25	904,97	-0,58%



Emitenti na SASE:

Ukupno emitenata	171
Minimalno jedna trgovina u periodu	69
Kotacija kompanija	2
Kotacija fondova	11
Primarno Slobodno tržište	30
Sekundarno Slobodno tržište	107
Tercijarno slobodno tržište	17
Emitenti u stečaju	4
Novo-uvrštenih emitenata	2
Obustava prometa	0
Opoziv obustave prometa	0

Promet po emitentima:

Emitent	promet	broj transakcija	promjena kursa
BH Telecom d.d. Sarajevo	660.138,58KM	139	-0,91%
Tvornica cementa Kakanj d.d. Kakanj	504.921,42 KM	15	5,26%
ZIF MI Group dd Sarajevo	435.677,29 KM	99	2,93%
ZIF BIG Investiciona grupa dd Sarajevo	384.328,01 KM	66	4,79%
Elektro grupa d.d. Jajce	358.680,00 KM	3	0,00%
RMU Kamengrad dd Sanaski Most	324.340,40 KM	6	-0,85 %
ASA Finance dd Sarajevo	240.000,00 KM	1	0,00%
FBIH stara devizna štednja serija D	188.357,59 KM	17	1,75%

ZIF Herbos fond dd Mostar	157.502,60 KM	10	-1,79%
FBiH stara devizna štednja serija E	156.526,67 KM	11	3,98%

U aprilu 2012. godine na Sarajevskoj berzi bilo je prijavljeno 29 vanberzanskih transakcija i 1 paket dionica u ukupnoj vrijednosti od 1.093.754,04 KM.


Prijavljene vanberzanske transakcije:

Datum	Emitent	Cijena	Broj trgovanih VP	Vrijednost prometa	Broj transakcija
02.04.2012	CENTROTRANS - TRANSPORT ROBE DD SARAJEVO	35,00 KM	29	1.015,00 KM	1
02.04.2012	CENTROTRANS-EUROLINES DD SARAJEVO	44,29 KM	386	17.095,94 KM	1
02.04.2012	DC TEŠANJ KRAŠEVO DD	2,50 KM	899	2.247,50 KM	1
03.04.2012	MARKET-KOMERC DD ZENICA	1,50 KM	34.505	51.757,50 KM	1
03.04.2012	RUDSTROJ DD KAKANJ	2,00 KM	1.096	2.192,00 KM	1
03.04.2012	PROMET DD SARAJEVO	16,00 KM	17	272,00 KM	1
05.04.2012	CENTROTRANS - EUROLINES DD SARAJEVO	44,29 KM	456	20.196,24 KM	2
05.04.2012	INTERŠPED TUZLA DD TUZLA	12,00 KM	144	1.728,00 KM	1
05.04.2012	KIPERTRANS DD ZENICA	6,00 KM	419	2.514,00 KM	3
10.04.2012	CENTROTRANS-EUROLINES D.D. SARAJEVO	44,29 KM	1.092	48.364,68 KM	2
12.04.2012	DI JANJ HOLDING DD DONJI VAKUF	1,45 KM	6.620	9.599,00 KM	1
18.04.2012	ABDS DD SARAJEVO	36,00 KM	1.303	46.908,00 KM	2
20.04.2012	BOR BANKA DD SARAJEVO	91,00 KM	660	60.060,00 KM	1
20.04.2012	UNIGRADNJA DD SARAJEVO	27,00 KM	47	1.269,00 KM	1
Ukupno			51.734	311.354,04 KM	29


Struktura investitora:

	Kupovna strana	Prodajna strana
Domaći investitori	48,6%	37,58%
Strani investitori	10,53%	3,99%
Skrbnički računi	40,85%	58,43%

Kupovna strana



Prodajna strana



- Skupština Raiffeisen BANK dd Bosna i Hercegovina, održana 24.04.2011. godine, donijela je Odluku o rasporedu dijela zadržane dobiti po završnim računima Raiffeisen BANK dd Bosna i Hercegovina za 2011. godinu i iz ranijih godina. Dio zadržane dobiti iz 2011. godine u iznosu od 18.000.000,00 KM isplatit će dioničarima Banke kao dividenda za 2011. godinu, u iznosu od 18,956 KM po dionici, što predstavlja 7,58% nominalne vrijednosti dionica.
Dio zadržane dobiti iz ranijih godina u iznosu od 19.058.165,90 KM isplatit će se dioničarima Banke kao dividenda za 2011, u iznosu od 20,071 KM po dionici, što predstavlja 8,03% nominalne vrijednosti dionica. Dividenda se isplaćuje dioničarima Banke koji se nalaze na listi dioničara kod Registra vrijednosnih papira u Federaciji BiH na dan donošenja Odluke od strane Skupštine dioničara Banke. Isplata dividende će se vršiti počev od 07.05.2012. godine.
- Dana 06.04.2012. godine, na Sekundarno Slobodno berzansko tržište uvrštene su dionice emitenta - MARKET-KOMERC DD ZENICA, simbol MAKORK3 (253.374 emitovanih vrijednosnih papira, nominalne vrijednosti 15,30 KM).
- Dana 27.04.2012. godine, na Tercijarno Slobodno berzansko tržište uvršteni vrijednosni papiri slijedećeg emitenta, i to: BNT TMiH DD NOVI TRAVNIK, simbol BNTMRK4 (1.641.288 emitovanih vrijednosnih papira, nominalne vrijednosti 32,50 KM).
- Dana 19.4.2012. g. održana je dvadeset prva Skupština dioničara Društva "ABDS" d.d. Sarajevo, na kojoj je usvojena Odluka o isplati dividende dioničarima Društva "ABDS" d.d. Sarajevo, koja glasi:
Donosi se Odluka o isplati dividende dioničarima Društva iz:
- dobiti Društva «ABDS» d.d. Sarajevo iz 2011. g. u iznosu od 2.398.585,92 KM, i akumulirane dobiti Društva "ABDS" d.d. Sarajevo u iznosu od 943.504,20 KM. što ukupno iznosi 3.342.090,12 KM, odnosno po jednoj dionici iznos od 27,48 KM.
Dividenda će biti isplaćena u roku od 30 dana od dana donošenja Odluke o isplati dividende po listi dioničara koji su bili vlasnici dionica na dan donošenja odluke o isplati dividende na Skupštini dioničara Društva «ABDS» d.d. Sarajevo.
- Odlukom Registra vrijednosnih papira u F BiH d.d. Sarajevo broj: 04-2-6149/12 od 16.04.2012. godine CENTROTRANS-EUROLINES d.d. Sarajevo primljen je u članstvo sistema uvida u stanje na računu. Odluka stupa na snagu danom donošenja.
- Dana 27.04. vrijednosni papiri emitenta "Vranica" d.d. Sarajevo (simbol: VNCARK1) prebačeni na subsegment Slobodnog tržišta za emitente u postupku stečaja, budući da je kod navedenog emitenta otvoren stečajni postupak prema rješenju Općinskog suda u Sarajevu, od 13.04.2012. godine.

- **BNT-Tvornica mašina i hidraulike, Zrak i Pretis idu u dokapitalizaciju**

Agencija za privatizaciju FBiH pokrenula je proceduru izbora profesionalne konsultantske kuće za provedbu postupka dokapitalizacije tri privredna društva namjenske industrije sa sjedištem u Federaciji BiH. Radi se o preduzećima BNT -Tvornica mašina i hidraulike Novi Travnik, Zrak Sarajevo i Pretis Vogošća. Kako je potvrdio pomoćnik direktora Agencije za privatizaciju Fikret Talić, konsultantske usluge će obuhvatati izradu potrebnih procedura za dokapitalizaciju, izradu prospekta, te u saradnji sa upravama ovih kompanija, pripremu potrebne odluke i drugih akta koja se odnose na sprovođenje procedure dokapitalizacije.

On je potvrdio da će se dokapitalizacija vršiti i za iznos pokretne i nepokretne imovine (zemljište i objekti) u privrednim društvima "Pretis" d.d. Vogošća, "Binas" d.d. Bugojno, "Zrak" d.d. Sarajevo i "Igman" d.d. Konjic koja nije bila predmetom privatizacije jer nije bila evidentirana u početnim bilansima. U skladu sa Zakonom o privrednim društvima, bit će omogućeno i ostalim dioničarima da shodno svom vlasničkom učešću izvrše dokapitalizaciju. Izabrani konsultant imat će obavezu nadgledati i pružiti pomoć u cjelokupnom procesu povećanja osnovnog kapitala i emisije dionica putem zatvorene ponude.

- **Bh. inženjeri impresionirali Volkswagen**

Volkswagen Sarajevo je proizveo i isporučio Volkswagen koncernu prvi kontigent specijalne tehničke opreme koja olakšava procese proizvodnje i podiže sigurnost radnika na viši nivo. Specijalni uređaj nosi službeni naziv Kipp Trolley. Trojica inženjera Volkswagen Sarajeva, Kenan Babahmetović, Mirzo Palavra i Kenan Klisura su stručnjaci koji su svojim jednostavnim rješenjem impresionirali rukovodstvo Volkswagen koncerna, na čelu sa predsjednikom Uprave Martinom Winterkornom koji želi Kipp Trolley koristi u svim Volkswagenovim proizvodnim pogonima u svijetu.

- **Odluka o emisiji obveznica: Federalna vlada odobrila novo zaduženje od 130 miliona KM**

Federalna vlada donijela je Odluku kojom odobrava zaduženje Federacije BiH putem emisije obveznica radi prikupljanja sredstava za financiranje izdataka utvrđenih Proračunom FBiH za 2012. godinu, u nominalnom iznosu do 130.000.000 konvertibilnih maraka. Riječ je o 130.000 obveznica nominalne vrijednosti 1.000 KM, te rokom dospijeća od tri godine, navodi se u saopćenju Vlade.

- **Utvrđen Nacrt zakona o preuzimanju dioničkih društava: Prvi put definirana i multilateralna trgovinska platforma**

Nacrt zakona o preuzimanju dioničkih društava, koji je Federalna vlada danas utvrdila i uputila u parlamentarnu proceduru, izraz je potrebe izmjene i dopune postojećih rješenja iz 2005. godine, a u cilju poboljšanja zaštite interesa malih dioničara kod preuzimanja dioničkih društava i usklađivanja sa odgovarajućom direktivom Evropske unije radi osiguranja pravne sigurnosti kod preuzimanja ovih društava. Novina je to što se prvi put kod nas definira i multilateralna trgovinska platforma, koja je zapravo preuzeta iz direktive EU. Predviđena su tri načina preuzimanja: putem Registra vrijednosnih papira, putem berze ili drugog uređenog javnog tržišta i putem ovlaštenog učesnika za brokerske poslove. Do prijema BiH u EU preuzimanje će se vršiti putem berze i ovlaštenog učesnika, a nakon toga isključivo putem Registra vrijednosnih papira.

Ukupno šest načela na kojima se zasnivaju zakonska rješenja odnose se na jednak položaj dioničara u postupku preuzimanja, zabranu stvaranja poremećaja na tržištu, obavezu osiguranja sredstava za preuzimanje itd. Posebnim poglavljem regulira se zajedničko djelovanje, kao vrlo bitan institut u preuzimanju dioničkih društava, dok je najobimnijim zakonskim poglavljem propisan sam postupak preuzimanja, posebno utvrđivanje broja i postotka glasova, kao i vrijeme sticanja dionica.

Obaveza preuzimanja nastaje kada se stekne više od 25 posto dionica s pravom glasa, a određen je i dodatni prag (sticanje više od 10 posto dionica) i konačni prag (75 posto dionica s pravom glasa). Kao način plaćanja predviđeni su novac (novčana naknada), zamjenske dionice (zamjenska naknada) i srazmjeran dio novca i zamjenskih dionica u kojem slučaju ponudilac omjer novca i zamjenskih dionica može slobodno odrediti (kombinirana naknada).

- **Negativni ekonomski trendovi nastavljeni padom naplate indirektnih poreza**

Prema preliminarnom izvještaju Uprave za indirektno oprezivanje BiH (UIO), u prvom kvartalu 2012. naplaćeno je, po odbitku povrata PDV-a, 1,094 milijardi KM indirektnih poreza, što je za 0,38 posto manje nego u istom kvartalu 2011. U ovaj postotak je uključeno je i oko 18,5 miliona KM naplaćenih prihoda koji su ostali neusklađeni nakon povezivanja uplata na jedinstveni račun s podnesenim prijavama/deklaracijama.

Iako je naplata prihoda od indirektnih poreza tradicionalno najniža u prvom kvartalu u Odjeljenju za makroekonomsku analizu UIOBiH naglašavaju da, bez obzira na tu činjenicu, može se zaključiti da nepovoljna kretanja u prvom kvartalu 2012. predstavljaju samo nastavak negativnih trendova iz druge polovine 2011. godine.